

南昌府志卷七十六

外傳

語云傳者傳也曷爲乎外之別於內故謂之外也曷言其有別也曰忠臣曰孝子曰善士曰節婦有行可稱者固微而不朽矣經也非權也曷爲乎有權也時際其窮事當其創心之所欲行而衆且駭之理之所共伸而幾或中之經也非權也亦相與權之云爾雖搜神志怪又何譏焉若夫文人學士登高臨流興之所感傳爲韻事亦拾遺者之所極不忘之亦別於內而外之而并不忍舍其外而不傳也故類之以外傳終焉

南昌

卷七十六 外傳

一

漢張遐生四歲母病思魚遐以手弄錢鬻魚奉母時稱孝童十三從叔父噩謁徐穉舟泊望湖亭下明日五舟同發遐爲大龍負舟又二長龍遶其舵舟獨却前四舟俱遭風壞遐以後免十九師楊震震每以所授覆之發其意所未及語人曰張遐年未二十積學至此詎可量哉當爲天下儒宗後諸葛瞻楊機蔣琬陸遜郭洵輩皆其門人著吳越

孫權定豫章至南昌觀淮城遺跡指某處當開一井開之得古砌下有灌嬰石識曰此井開三百年而塞塞百年而遇應運者復開權大喜因移豫章於南昌以總列郡

進賢



南州人有遣吏獻犀簪於孫權者舟過宮亭廟而乞靈焉
神忽下教曰須汝犀簪吏惶懼不敢應俄而犀簪已列前
矣神復下教曰俟汝至石頭城還汝簪吏不得已遂行自
分失簪且得罪死比達石頭忽有大鯉魚長三尺躍入舟
中剖之得簪 幽明錄

晉許眞君爲旌陽令時江西有蛟爲害旌陽與其徒吳猛
伏劍殺之遂作大鐵柱以鎮壓其處今豫章有鐵柱觀而
柱猶存 臨川 謝逸嘗賦詩云豫章城南老子宮塔前一
柱積剛鐵云見旌陽役萬鬼夜半昇來老蛟穴插定三江

不沸騰切勿撼搖坤軸裂蒼苔包裹鱗被皮我欲摩挲肘
屢擊旌陽挈家上天去只留千丈應門戶西山高處風露
寒茲事恍惚從誰語安得猛士若朱亥袖向橫山打狂鹵
能改齋漫錄

劉曠豫章海昏人義熙二年病已頓二十餘日手足皆冷
止腹微暖二日二夜蹶然起坐云有人著平幘喚曠西北
內有樓其上有綵女圍坐作樂見曠佳樂相指而笑遊歷
未遍不知從何所而出倏忽至此病於此都愈後月餘黨
輩於平澤射獵留曠守舍因晝眠聞語何女郎通使便覺
颯然口至自說東海何氏八歲而夭於今 咸應爲君妻

故來修好何女郎曰昔日樓上之擊節我也衆以君見棄
是以相笑智瓊杜蘭香咸我曹也婢名採薇如邊羅常以
九石合拌奠果問家中吉凶及晴雨之占必驗曠母妻嫌
之被妒口滋女曰應爲君妻妒嫌已至三年而無子何以
見忌後留信宿曠家以湯澆之慘然而言曰苟不我容便
與君辭既去之後慎勿相憶爲君累也

幽明錄

洪州處士陳陶有逸才其詩句云江湖水深淺不足掉鯨
尾又云飲水狼子瘦思口鷓鴣寒又云一鼎雄雌金液火
十年寒暑鹿麋衣寄與東流任斑鬢向隅終守鐵梭飛如
此例不可殫述

北夢瑣言

唐任濤豫章人詩名早著其家適當執役時常侍李隲廉
問江西聞其有露團沙鶴起人臥釣船流之句特與免之
鄉民有訟其不當免者隲判云江西界內凡有詩得似濤
者卽與免役

據言

唐時江西大疫有道人攜一稚子一犬至洗馬池以柳枝
指筭井水遂溢行數十步皆不見人就汲疫立愈因卽道
人沒處祀之道人巾服稚子加冠帶呼太子犬旁侍焉後
道人獻藥京師冒崔姓朝使來加封離其姓曰佳山廟使
者因範其像曰張大將軍嘉靖中一宦者毀廟棄像江中
及天媪拾太子像祀之就禱者多驗媪言

二年神見夢

於郡守因復建廟來迎像媪抱六子像哭郡守乃別範一
像於廟簪井至今存時枯時溢泥犬夜雜衆犬出兒童值
之多病焚楮卽愈喻以正任山廟記

南昌孫魴有詩名李建勲先匿魴齋中候沈彬至問魴詩
何如彬曰非有國風雅頌之體實得田舍翁火爐頭之作
魴突出曰田舍翁無乃太過乎彬曰子夜坐詩云劃多灰
漸冷坐久席成痕此非田舍翁火爐上作而何魴又坐頌
嘗題金山寺詩云萬古波心月金山名日新天多剩得月
地少不生塵過櫓妨僧夢驚濤濺佛身誰言張處士題後
更無人彬乃服江南野錄

南唐詩人夏寶松與詩人劉洞俱顯名節度使陳德誠以
詩美之曰建水舊傳劉夜坐螺川新有夏江城蓋劉洞嘗
有夜坐詩最爲警策而寶松有宿江城詩云雁飛南浦砧
初斷月滿西樓酒半醒又云晚來羸駟依前去雨後遙山
數點青皆佳句茗溪漁隱曰予觀劉洞傳不載夜坐詩乃
孫魴耳茗溪漁隱叢話

羅穎經傳涉獵以詞賦稱就舉金陵試銷刑鼎賦儒術之
本論有司以鄧及爲第一穎爲末綴榜旣上後主遷穎第
二手筆圈其名穎是夕夢黑氣環身有長人自上挽而出
之馬令南唐書

南唐李建勳罷相出鎮豫章一日遊西山田舍有老叟教
數村童公觴於其廬連食數梨賓僚有曰梨乃五臟刀斧
不宜多食叟笑曰鶡冠子云五臟刀斧乃離別之離非梨
也蓋離別戕伐骨懷有如刀斧遂就架取小冊以呈建勳
乃鶡冠子也

僧文瑩湘野錄

李夢符不知何許人梁開平初鍾傳鎮洪州日與布衣飲
酒狂吟放逸嘗以釣竿懸一魚向市肆歌漁父詞好事者
爭買得得錢便入酒家其詞有千餘首傳於江表有云村
寺鐘聲度遠灘半輪殘月落前山徐徐撥棹却歸灣浪疊
朝霞錦繡翻又曰漁弟漁兄喜到來婆官賽子坐江隈柳

南昌府志

卷七十六 外傳

五

榆杓木瘤盃爛煮鱸魚滿案堆或把冰入水及出身上氣
如蒸鍾氏亡不知所在

郡閣雅談

鍾傳起於商販而尤重儒生其鎮洪州日有萬浩者嘗擇
傳行事赫赫者十條爲啟事以投之謂之十德啟傳每一
字酬一千凡獲五十萬

圖經續志

余荀龍豫章人家藏書甚富好談易作詩與潘洪諸公相
善僧善權異中嘗酬其詩云長歌濯足對東湖萬卷蟠胷
有壯圖交戰似聞夫子勝憑虛應笑列仙臞草中射虎疑
山石江上封君記木奴寂寞生涯端自守晴牕紀筆太元
無蓋紀其實也

詩話拾遺

豫章楊南仲能讀古文篆籀爲歐公釋韓城鼎銘

鏡亭雜抄

宋周季發字伯通少穎異喜吟咏年三十有六渡象牙潭坐舟中忽兩鳥從空下啣其頭巾去旣歸隨卒踰年乃降於家吟詩云雲鶴翛然世外遊歸來庭樹又經秋塵寰不識芙蓉主琴榻空懸萬古愁族人神之爲刻其像凡遇水旱疾疫及諸疑貳不決事有所禱卽判筆題詩驗若影響詩亦多佳製故老所傳每膾炙人口焉

鏡亭雜抄

乾道間進賢崇真觀有戴道士者先登己丑進士累官璽卿觀乃勅重建事甚確而公之名舊志俱弗傳可歎也太史公云里巷之人附青雲則聲施後世今戴公跡寄清淨又階通顯而姓氏竟歸湮沒豈兵戈荆榛之餘故實無稽則昌黎所謂火其書廬其居者戴公亦不免於阨劫耶

陳良訓記

熙寧初王廸爲洪州左司理叅軍一日有道人來磨鏡因俾廸自照乃見星冠羽帔縹緲現鑑中廸問其故曰此汝前身也由汝誤念墮此勉自修證勿淪苦海旣去廸具以告妻妻然之遂棄官與妻隱去郡僚挽留不可咸作詩以餞行時新建主簿劉純臣有詩雖非警拔可以紀其實云鬢如抹漆左叅軍脫却青衫去隱淪世上更無羈絆事壺

中別有自由身鼎烹玉兔山前藥花看金鼇背上春莫怪少年能決裂藍田夫婦總登真後歸姑蘇不知所終能改齋漫錄

分寧黃滋嘗行山中遇道士騎白驪顧見滋為下鞍相語將別以所乘驪與滋戒曰善視之汝自此有貴男子矣滋受之行數里復追及乃以手扶捺驪頰間得大珠如拳而去既而滋生子曰庠穎悟異常天聖中應國學舉第一明年南省復冠羣士時俊聲滿四方未殿試而屬疾仁宗手自封藥賜之有旨特展試期一日以俟庠起然竟淪殂論者以為取珠之祥能改齋漫錄

南昌府志 卷七十六 外傳 七

豫章在宋以詩文著者黃山谷胡少汲也少汲名直孺孫鴻慶稱其筆力雄贍語出驚人有春日絕句風雲吹絮柳飛花睡起鈎簾日半斜四海隨人雙燕子相逢處處作生涯寒夜錄

魯直有癡弟畜漆琴而不御蟲蝨入焉魯直嘲之曰龍池生壁蝨而未有對魯直之兄大臨且見牀下以溺器畜生魚問知其弟也太呼曰我有對矣乃虎子養溪魚也後山詩話

黃庭堅為泰和令一日勸民出東郊聞竹林中哭聲回登快閣隱臥夢飯鮓魚及覺猶若在口也起馳竹林見一老

嫗哭之哀墓前置列飯鮓爲詢其故嫗云平生止有一女死若干年矣因詢其日月卽堅所生之辰遂輿老嫗歸終身養之因自贊曰似僧有髮似俗無塵作夢中夢見身外身吉安府志

山谷晚年作日錄題曰家乘取孟子晉之乘之義謫死宜州永州有唐生者從之遊爲之經紀後事收拾遺文獨所謂家乘者倉忙間爲人竊去尋訪了不可得後百餘年史衛王當國乃有得之以獻者衛王甚珍之後黃伯庸帥蜀以其爲雙井之族乃以贖其行呂居仁作江西傳衣詩派圖以山谷爲祖列陳無已等二十五人爲法嗣陳無已潘

大臨謝無逸徐俯洪朋洪炎林敏修林敏功王真方洪芻饒節高荷江草李淳晁冲之潘大觀江端本李彭謝遵楊符何覲韓子蒼夏均父僧仕可僧善權省志

宋豫章有四洪朋芻炎羽皆黃山谷之甥也皆能詩而位不顯鄱陽有三洪适邁遵皆洪忠宣之子也皆能詩文而位俱顯當時臨川有三王南豐有三曾臨江有三孔有二劉亦極一時之盛省志

裘元量先生名萬頃宋隆平間中王容榜進士與胡原萬澹菴徐竹垞往復唱咏號爲四傑元量尙有詩集行世三君已湮沒不傳吾邑亦不知有四傑之稱矣寒夜錄

王炎午有友彭逢達字元觀授徒吾里嘗悵惘如有所失且日以卻酒肉告神明爲事問之則曰余九歲喪父而母復失明居危地遭厄運扶攜保抱教養冠婚使能挾策四方皆母廢目中所爲者今且十二年矣初謹醫治望其愈今不可治無復望矣每言罷輒悽斷一日來告曰日収家報母鼻左患衄而左目明未幾右亦如之君每爲余有母喜且爲吾母失明惜敢不以告某曰盛彥蠟蟻感泣劉元棄官歸養而二母廢目爲之瞭然今子無二子之遭而母目自開其必佑於神明有自來矣雖然日本於肝氣而養於腎水今以七衰之年腎水必衰十二年喪明其疾已痼

以痼遇衰明恐其斃何不亟歸使母識子遂取果餌納之袖而亟之歸又四年而達永感矣

吾汝藁

豐城陳會字善同七歲能賦詩書盈尺字元翰林學士揭傒斯器重之爲賦奇童詩云奇童年七八文思藹然生努力師賢聖他年佐盛明

揭文安集

元初名士熊良輔等十人仿香山九老爲詩酒會各圖其像爲一卷良輔以下曰熊東喻志道萬原樸高興鳳龔持敬熊屋喻心道高興麟凡九人而以道士熊惟先殿之明永樂中熊宣萬璞黃進喻鐸魏顓程宗達喻振魏頊萬璧喻釗喻鏡喻瑗萬子興萬子遊萬子鑑萬斐黃道萬子操

凡十八人亦曰續老會

桐源雜錄

奉新涂可軾號復菴父早歿五歲就學問其師曰何以爲孝師畧舉小學語之曰孝如是止耶師大奇之爲諸生母病侍湯藥不解帶者累月聞楚有雷道人者善治病軾齋沐膝行積一月至其地叩頭求治額血淋漓凡三晝夜不倦道人憐之乃爲之禱訖曰汝母病痊矣軾辭歸杲然遂謝去諸生籍奉母終身焉

奉新縣志

豫章朱萬初世儒家敏文而善藝得古墨法至京師頗試作之相知者一二君子耳余嘗用之愛其沉著而無留蹟輕清而有餘潤其品在郭妃父子間而縉紳博雅殊以其

南昌府志

卷七十六

外傳

十

言爲信天子御奎章閣親翰墨近臣以爲薦果稱旨賜官可謂榮遇也已

虞伯生集

元至正間有范益者京師名醫也一日有嫗攜二女求診曰此非人脉必異類也當實告我嫗泣拜曰我西山老狐也與之藥而去今小說平妖傳寔借用其事而所謂嚴三點則南昌神醫也

夫子亭雜錄

元河南進士盛添祥妻王氏添祥官浙東大帥子文郁亦成進士洪武二年除知江西武寧縣事時烽烟甫息所在凋殘而武寧四面阻山盜賊出沒蹂躪特甚夫人勉文郁招徠撫恤以養以教踰年邑大治久之夫人卒於署文郁

尋亦卒竝葬武寧子孫家焉正德間華林盜竊發攻武寧孤城岌然猝無所措邑令毛丕功夜夢夫人授方略尅期殲滅及戰恍惚見夫人戎服臨陣左右指揮賊皆驚走丕功以其事聞於上立祠祀之文郁亦祀名宦

武寧縣志

戴氏婦未詳其姓初戴復古未遇時流寓武寧婦父憐其才以女妻之復古故有妻已而作歸計婦問其故告以實婦白之父父怒婦宛曲解釋婦以奩具贈復古仍餞以詞既別遂赴水死詞曰惜多才憐薄命無計可留汝揉碎花箋仍寫衷腸句道傍楊柳依依千絲萬縷抵不挂一分愁緒捉月人言不是夢中語後回君若重來不相忘處把盃

南昌府志

卷七十六 外傳

十一

酒澆奴墳土

武寧縣志

按武寧志載元戴氏婦

云

細繹本傳似多疑竇何以

遊客尙著姓名而以女妻之者反無里氏且詞傳而名不可攷其死又非猝遇兵寇憐才之父諒必大書特書以彰不朽如以氏論婦人從一而終何難隨夫偕往卽父怒不許往在復古又何難與之相約如晉公子待我二十五年不來而後嫁故事而必令之死孰爲逼之歟且貽石屏以薄倖名恐非婦心也事涉傳奇不便參伍於諸節烈賢孝中姑以俟後之攷古者

明太祖以至正壬寅幸龍興謁孔子廟過鐵柱觀復出城

開宴於滕王閣諸儒咸賦詩爲樂居民扶老挈幼縱觀燈
火明日命存恤鰥寡孤獨放陳友諒所畜鹿於西山放鹿
事僅一及之而已按孔邇雲蕉館紀談云友諒聚鹿數百
畜於南昌城西章江門外謂之鹿園嘗至其所自跨一角
蒼鹿綴瑟瑟珠爲瓔絡挂於角上鏤金爲花鞍羣鹿皆飾以
錦繡遨遊江上國初駕至南昌宴於滕王閣命儒臣韓詩
放其所畜鹿於西山乃知僞漢有鹿園在吾郡而放鹿之
人姓名爲韓詩皆作志者之所未攷也

寒夜錄

南昌張廷祥三四歲時偕羣兒戲廷祥獨勒地作畫市人
不以爲意適胡若思相公家居偶遊市中就地視其畫則

太極圖環以八卦若思驚歎曰奇兒也他日必以經術顯
後果然

談薈

萬思謙初名益南昌人族人某一夕夢河干吏卒揚旌旗
前導曰迎理學萬思謙旣覺思族中無此名旦坐渡頭適
思謙往省應縣試語之曰若改名思謙必大捷後果爲理
學名賢官福建布政時署中門面五虎山先官此者開必
遇害思謙至今開中門吏力阻叱役啓之有木牌落地書
曰若要此門開除非萬萬來蓋思謙姓萬而爲左轄時則

萬慙間事也

桐源雜錄

甘使君一驥與其兄鄉進士一鳳世家洪都洪都據彭蠡

上游素多蛟蜃嘉隆間其居正堂地中忽有聲如鐘鼓然時使君兄弟尚在膠庠疑以爲蜃因盡室徙他所避之如是一月更無他異然聲未已使君乃從其兄登堂告於神曰吾家世居此數百年不意地中忽有聲私竊謂龍也不敢懷土敬徙之他所乃今一月不聞有他異今聲果龍也必當有靈某兄弟敢以爲請約以一月中從地出如其不然或爲祥也亦約以一月聲爲止某儒生無使久居其土日皇皇然靡所依也居一月聲果寂然無何使君兄弟相繼舉於鄉使君登辛未進士第授南刑部尙書郎間爲余言如此又云其家有一婢爲狐所媚至則一角巾美少年

登床相狎去其中置架上人不知也其家聚壯士逐之恬不爲動僕請善符禁者治之亦不止也使君兄素長者乃焚香告於天持水一盂誦周易辭入其室旦夕以爲常婢覺祟稍遠去因日三四往祟漸不能隱其形乃聚僕夫揮劍入獲一狐重二十餘觔殺之後出其婢爲他家婦亦無他故

汶上楮談

南昌涂宗濬家世貧甚父某攻木爲神像以自活宗濬習之常隨父居僧寺日雕鏤夜讀書無膏油乃執書坐佛膝上就神燈吟哦誤觸琉璃墮地碎僧怒詈之宗濬拂衣歸就其里蔡氏學及宗濬爲大司馬予告歸親掃蔡氏墓歲

時致祭必慟哭每過讀書之鴨湖廟輒歔歔不忍去先是其祖苦貧常拾遺金約重十五鎰待之道左數日無至者乃密藏之越三載偶於肆中聞客談遺金事就問之信遂舉以還客久之乃生宗濬焉宗濬爲御史時朝鮮爲闖白侵暴來乞師朝議不允乃抗疏曰朝鮮我屬國也急而求救不應失遠人心且非春秋救災卹患之義大學士張文端躉其議贊從之朝鮮以安 一粟編

胡汝煥爲刑部時一日偕同舍郎閱獄書署舊有以甘露名軒衆不審何義汝煥曰此前郎中貴溪江公筆也世宗時甘露降爽鳩柏枝識者稱爲平反之祥禮曰人君政治

軒轅之精散爲甘露是也已而風雨牆圯石碑見讀之果甘露記也汝煥有弟而傲嘗詬汝煥紵其臂已復唾之汝煥婉言解之怒少平一日暴雨望見弟僵臥電光中意震死矣急趨救之聞空中人語曰勿驚孝廉須臾雷止弟復蘇 節錄大月山人集

劉司空璽以江西運糧把總擢江西都指揮使巡撫盛應期知其廉明每屬以疑獄多所平反一日某御史按部南昌謁文廟諸生進講中庸至白刃可蹈中庸不可能御史問若鄉人先輩誰可當此諸生對以文公天祥璽在坐聞之縮項曰柰何以專聶之行加諸仁至義盡之賢乎且仁

至義盡之外豈更有所謂中庸耶諸生歎服而退

江南志

紀聞

豐城邱士毅少遊學丹陽旅次疾劇一夕夢縣宰來謁親
爲撫摩自頂及踵明日疾良已及謁城隍祠覩神像儼然
夢中所見後登進士入翰林官少詹禮侍崇禎初起用賦
詩云豈有纖埃裨廟畧差無半刺問權璫卒贈禮部尙書
池北偶談

都督劉顯早涉書史尋棄去遊川中以武科歷戰功官至
大帥遇人每有特鑒時同里諸生過之旣出顯語人曰適
願暫居下坐者一品客也詢於人卽張文端位也旣而見

南昌府志

卷七十六

外傳

七

浙人沈一貫輒語之曰先生異時當官一品命長子挺師
之及挺襲武職則筆記之曰兒自以身報國後數十載悉
如所言

談薈

雲南三宣慰諸苗反劉少保偕鄧武橋平之縱兵窮追深
菁中獲一巨碑鐫大刀平彝四字漢丞相諸葛武侯記也
武橋雅自負謂少保武侯誠神矣雖然何以不能知子龍
語畢而石裂中復有碑橫列副將鄧子龍五大字其下凡
從征偏裨弁口莫不有名而獨遺中軍陳貴時諸與名者
人人自榮叩首碑前頌武侯神明貴却立俛首慚其部卒
怒推石仆之所仆石中又脫出一小碑文云陳貴奮力推

碑少保解兵歸田所有家甲及平日從征銳士皆留養里中戰馬散牧近省諸縣一年寧州銅鼓營土賊圍州城寧州告急當事以少保宿將善戰遣南昌新建二令造第請討賊少保曰此守土者責也與縉無與翌日太守復報踵至承平人不習兵革當事必欲強起之少保終不應撫按大怒曰老革敢如是耶會疏劾劉縉家有藏甲今坐視寧州不救養寇何爲方具儀拜疏而捷音至且報劉將軍班師抄沙井矣撫按愕然倉皇焚所欲上奏疏出迎章江門少保擊楫渡江旌旂耀日鑼鼓如雷入滕王閣首賀平賊且請前罪當事改容勞之問曰將軍何不先告我輩耶少

保謝曰土賊敢圍州城此其蓄謀久矣劉縉薄有虛名聞縉出師彼卽獸散俟歸則又蠢動耳縉軍有貌似縉者適會其病飾以爲縉數數方命使賊偵知不備縉陰調士馬集於奉新潛師疾馳一鼓剪滅兵法云兵行詭道百戰百勝此之謂也曾大成者少保技勇師也其教人之法先燃炭使赤揪播手中灰盡而手不傷次教超躍縱橫期至十丈二者俱能方教諸器械

龔正少保雜記

劉將軍縉奉召時官府餞之始以作詩縉得句云幼習干戈未習詞滕王閣上逼留題江南花月君同賞塞北烽烟我獨知截髮接韁拴戰馬拆衣抽綫補旌旗貔貅百萬臨

城下焉用先生一首詩衆爲大服

釋堂雜記

鄧武橋戰功頗類岳武穆其詩篇石刻亦然過大幽山金雞橋云短甲輕兵入武鄉西風吹骨鐵衣涼大幽山下無情水笑問金雞舊戰場萬松嶺風雨催軍行云應憐西事懸民膜長呼錢甲燈前著三程兩程日夜行千山萬山風雨惡不妨鼙鼓地下來自有將軍天上落百戰風塵社稷安一怒乾坤星斗錯歸來烹象飲天河何代英雄無衛霍李見羅宅題梅云蕊如銀幹如鐵一點丹心紅似血不與桃李爭春風撐拄乾坤傲霜雪

豐城縣志

南昌御史李曰輔以抗疏罷歸隱居西山香城寺初挈一

南昌府志

卷七十六 外傳

七

僕往已又遣去惟自持一瓢取飲食食已輒危坐峯巔如是者十餘載寂處禪寺然誦濂洛之書不輟

南昌舊聞

魏水洲嘗貽表弟喻化以小古鏡化答柬曰鏡古而真非三代以下物但自視不宜太小耳舉而還之此與呂文穆公持論相同

南州舊聞

南昌黃相妻熊氏相客死穎上同侶識其葬所歸而語之氏撫子諭成立泣曰吾所以不死者以汝父骨未歸也諭泣受教氏病思魚未獲而卒諭遂終身不食鮮及諭之穎上已數十年矣有管翁者年百有四歲識其處諭得父骨血漬之驗負而歸忽神人授以杖旬日至家諭啟母塋合

葬之母節子孝一時公卿皆贈以詩

南昌縣志

靖安袁姓人能化虎爲淫爲盜久之父聞而伺其出覆盂水而斫令牌遂不能返形後有見虎前一足乃人手者曰此袁某也衆射殺之嗚呼一念之惡化爲異類書傳所載可爲猛省而况學術以求之乎

雨稗新編

靖安之極西有洞曰委源人跡所不至也舒氏之先遭亂惟存一人今子孫蕃衍至萬餘賴入此洞以免也其初火粒兩斷有神日以苦菜啖之得活故其歲時祠祖必以苦菜舞儺以報洞神之賜自厥祖出後洞無人跡又若干年矣洞口石壁夾峙初不容人必側身而入故名摩肚崖信

南昌府志

卷七十六

外傳

六

乎肚與石相摩也過崖有湫深碧畝餘橫當崖口緣山右繞避湫履苔不百步有流水九十九曲一曲一石宛若人置以承跳者須奮勢而越稍怯卽墮水矣高峰障天喬木暗林一望可三十里惟聞鶻啼鶴欬異鳥呼吟麝麋來往猿狖千百爲羣如村落襖社窅然非復人境洵自古緇黃所不能開草竊所無可據也有山牛山羊豪豬猩猩樹有熊跡泥有虎印目之所遇殆非大荒頭清流冶客聞其饒有古木結茅洞口欲就薪炭之便而石隘水紆漢枝唐幹終無一束能出崖口者其處東至靖安西至寧州南至奉新北至武寧皆百餘里土地平廣別一山川自非摩肚崖

者久作人間世矣

兩稗新瀋

寧州某寺嘗有青衣美娃從西過東到一處輒止亦不爲妖然僧惡之請巫莫能治乃跡其止處掘之有泉甘香清冽行處隱隱若溝皆泉路也怪遂息噫泉亦欲自見於世哉

兩稗新瀋

南昌蔡時衡三江口南街人也有隣人甚貧其母病且死時衡爲具棺已而病愈乃鬻棺以食踰年母死時衡復買棺與之鄰人感泣曰生不能酬德死當相報未幾果死乾隆戊午夏或夢六人拜時衡門鄰人與焉是秋時衡子承露舉於鄉

恥夫紀聞

南昌府志

卷七十六

外傳

九

康熙庚寅武寧邑多虎患城東有貧家子兄弟二人往樵甫入山兄爲虎所得踞之其弟年僅十二見兄號呼哭且詈追至虎側奮力一砍正中其鼻虎斃而兄竟獲全咸以爲精誠所感有神助云

恥夫紀聞

康熙丙申武寧大水有徽商者吳姓遺其名載鹽五百餘泊武寧市口繫船大樹下水益漲兩崖民居呼號乞命吳商聞之趣舟子往救舟子以裝重有難色商卽取鹽投水中甫解纜其樹輒仆舟子感動併力度人全活甚衆

恥夫

紀聞

瞿梁石路陡峻下臨仙人潭有崖高數丈橫亘畝計向鑿

小磴通往來每遇陰雨積雪行者自崖返邑人李啟喬費數百緡修治凡八閱月剗削未及三之一忽晝晦諸工登高鑿險聞空中語曰走走俄而雷雨交作潭水沸騰工倉忙趨避而懸崖崩裂遂成坦道人以爲有神助云

恥夫紀

聞

楚僧心壁結茅東湖上卽今憩雲菴也一日宋中丞肇譙百花洲酒酣易服棹小舟而遊岸上疏林掩映露一小菴積雪覆戶一燈熒然宋僞稱遊客促膝談詩杯茗酌酢遂已至曙州縣官不知丞所在燈火往來亦竟夕湖上去心壁詩學東坡然其妙處不逮也

豫章詩話補

南昌府志

卷七十六 外傳

三

馬騏字伯御順天通州人康熙間以例貢任江南江寧府通判致仕後數夢一異人攜遊半步街明日徧覓城市無有也命見識之其子景良貿易江西忽憶父夢覓得半步街因家焉入籍新建子孫蕃盛

東湖紀聞

南昌劉有成生於貧家幼賣爲進賢齊氏家僕齊氏產僅中人有成長爲之力田劉族有富而無子者愛其敦樸願以爲子誘之去不應後其主家漸落逋賦纍纍邑催徵急將鬻有成涕泣請鬻牛已願得代牛以供主耕凡八九年主夫婦相繼死遺孤方數歲有成育之晨起炊以飯食孤已飲薄粥斷葷已背負之出耕暮則負之返與同臥起緝

敗絮以覆孤以破衾自蔽嚴寒手足凍皴略無怨色有憐之者勸令去有成不答年四十無妻子遺孤稍長相依如弟兄然其孤之族兄之干義之生爲作壙記

省志

龔夔字一足別字四指南昌中洲人事母至孝歲授徒以給養及母死不蚤鬻者三年與入大山人遊亦善行草書書必鍵戶生平不苟取交好或有厚遺亦不謝性孤潔厭近俗人或在酒座輒閉目連舉數觥喉中隱隱作聲去終身不娶妻曰死以兄子繼足矣年六十餘客某家夜忽起聚詩文爲薪煮苦茗啜之跌坐木榻上泣誦蓼莪詩凡數遍遂歿

蔣士銓龔一足傳

武寧黎國寶者自少膂力過人有膽略慕關壯繆之爲人欲效之遍遊吳楚江淮間從優俳以糊其口每肖關壯繆登場輒傾動觀者一日從人道經巴陵山中有舍登門聞哭聲從壁縫中窺見一僧據其堂拔刀置案上持婦人於牀方刳腹以奪其妊乃破壁入殺僧不告姓名而去

東湖

紀聞

張有用者生員李邦鵬僕也順治中隨邦鵬避兵至周家塘賊追之急有用乃負邦鵬匿渚荷間賊怒發矢注之有用以背受矢邦鵬得不死賊亦去時邦鵬妻姜氏罵賊死邦鵬歸得幼子日躋於井中置姜氏旁兒往就乳乳尚溫

有用懷攜哺養日躋乃克成立至今李氏宅每陰雨姜氏魂見井上人呼烈婦井焉

恥夫紀聞

南昌萬欽十合爍渡舟子夜半聞呼船聲甚噪乃具楫以迎中流問之曰君輩將安之何衆也皆曰往淨土寺欽十已心疑抵岸寂無聲呼之不應以火燭兀然羅漢也數十入欽十奔告寺大驚昇至寺越數日失羅漢寺僧來告之故且許以迎僧請試昇之重不可舉乃合什曰羅漢愛栖此余何敢逆膜拜去羅漢遂留寺中

一粟編

乾隆庚申春孺子祠前居民夜苦鬼笥中衣焚訖而笥不焦或置飯溷軒中因立廟越年巡撫陳公巡城見之詢知

南昌府志

卷七十六

外傳

三

爲五顯立燬之仆其像妖亦絕首建者則祠左右淘沙貧民也竝受笞焉

桐源雜錄

南昌生員萬廷振少穎敏過人七歲時叔自外攜之歸以歸與歸與令作破題卽應聲曰歎及於歸天下無容聖人之地矣長益博洽工詩文書法摹晉帖酷肖讀書手不釋卷體羸善病藥爐茶鐺錯雜圖史間母衷氏聰慧涉獵經史早喪一夕廷振宿家塾夜半熟睡忽夢中哀號大哭同館生亟呼而覺廷振乃披衣起淚泫泫滿眉睫間索燈火記其母詩云夢中見母吟詩遽挽母裾而竟去是以哭詩曰死去憑誰語歸來只自諧夜寧人是寂路共月俱還越

三年廷振疾革令其子索紙筆作詩曰十年輾轉漳濱苦
今日還真信樂哉地下敢云修撰去夜臺仍好簡編開父
恩母德無能報女嫁男婚任自裁倘使魂靈能識路月明
華表亦歸來擲筆而逝時乾隆丙寅五月也 東湖紀聞
南昌李湖由泰安調大名知府府城有小南門在學宮前
久閉先是大名人文頗盛自閉門以後科名頓減前知府
每惑形家言謂不利官署湖稔其故亟開之竟無恙巡撫
廣東有外洋毆死內地民人案擬抵故事決囚文到將洋
人交其頭目處決不則生變部覆至僚屬以舊例請湖曰
大皇帝百姓殺外洋人戮於市外洋殺

南昌府志

卷七十六 外傳

三

天朝百姓聽其頭目決非與衆共棄之意洋人敢拒

王命乎親押赴市曹決之外洋斂戢其決沙灣菱塘諸盜也集
文武員弁兵目於較場每囚立一小棚旣至持冊以次問
姓名罪狀訖卽就公座拍案大哭曰吾觀諸囚年力強壯
若習正務安本分不惟事畜有資安知其中無有用之材
乎况脅從效尤者正不少由地方官不能先事預防事發
又緝捕不力以致養癰貽患求生不得今晚矣嗟何及矣
盡決之環觀者萬口稱快人有白面龍圖之號 東湖紀聞
豐城縣乾隆十年大旱農民求雨者數十村忽有異僧赤
體跣足日食松毛自稱禱雨必驗但得楊維韜至則雨可

立得然於彼微有不利維韜聞之慨然曰以一人而活數十村之命吾何惜焉竟往大雨如注僧亦不見是歲有秋後果患痢甚劇夢中見異僧投以藥丸翼日霍然而起後閱二十餘年而沒沒之日異香繞室

東湖紀聞

南昌龔世章村農也不識字與元玠同族元玠授徒家塾教子弟讀周禮世章過戶聞書聲荷鋤稍立門外竊聽輒默識或元玠偶行隴上世章在田間必請授周禮章句如是者一年而全本爛熟盡得其解每於泥塗中集邨童教之句讀不爽然終不識一字也

東湖紀聞

興國州人陳才高少隨父來寧州傭工以食終身不娶歲

積雇值買田四十畝以租之入構茶棚於通衢煎茶以飲行旅之渴者率以爲常年八十餘而卒

東湖紀聞

奉新進士宋鳴珂子用衡聰穎絕倫喜爲詩有寒夜讀昌谷集詩云南郭書生愁欲絕酸風射裘肌玉裂蘭膏燒燈霏紫烟桂枝蕪火煮香雪摘書藤笈破我愁烟煤鳥跡蛛絲幽雁蘆含嚼迷宮徵狂叫作歌人姓李驢背心肝古錦花石爛南山枯不死星辰在空神在紙鬼唱秋墳呼不起通眉長爪今少年繭中抽絲休問天年十七而卒人比之

曇花一現云

東湖紀聞

南昌黃巨儒巡撫衙門掾吏也謹厚長者工書法每鄉試

書榜必屬之巨儒乾隆庚午科巨儒年八十矣主考錢陳
羣贈以詩曰桂籍憑伊腕底傳白頭從事地行仙自言作
吏中書省曾侍朱衣六十年孫騰蛟武庠是科鄉試騰蛟
中解元故事書榜最後書前五名至騰蛟名巨儒喜不能
落筆巡撫阿思哈詰其故跪以實告乃相與揖之起一堂
譁然布政使彭家屏贈以詩曰榜花題處忽開眉六十年
來鬢若絲官燭兩行人第一夜闌重憶抱孫時二詩皆一
時傳誦騰蛟辛未聯捷進士揀選衛守備去任而卒

東湖
紀聞